



Broj: 01-30-3-1296/25
Datum: 24.10.2025. godine

Na osnovu člana 23. do 26. Zakona o namještenicima u organima državne službe u Federaciji BiH („Službene novine Federacije BiH” broj 49/05 i 103/21), člana 126. Pravilnika o unutrašnjoj organizaciji službi za upravu Općine Travnik („Službene novine Općine Travnik”, broj: 21/25), člana 6. i 12 Pravilnika o radnim odnosima – prečišćeni tekst („Službene novine Općine Travnik”, broj 12/20, 13/21, 17/22, 23/22, 9/23, 11/24, 14/24 i 2/25), načelnik Općine Travnik
r a s p i s u j e

JAVNI OGLAS

za prijem u radni odnos namještenika na neodređeno vrijeme na radno mjesto viši referent vatrogasac – skladištar

Naziv radnog mjesta:

viši referent vatrogasac – skladištar

- 1 (jedan) izvršilac
- namještenik se prima na neodređeno vrijeme

Opis poslova:

- vrši poslove i zadatke na gašenju požara i spašavanju ljudi i materijalnih dobara od prirodnih i drugih nesreća,
- upravlja i rukuje motornim vozilima, vatrogasnim pumpama i ostalom vatrogasnom opremom te se stara o održavanju vozila i opreme;
- utvrđuje i kontrolira ispravnost uređaja i opreme;
- brine o čistoći opreme i tehnike, radnih prostorija, garaža i okoline,
- vrši popravke i servisiranje vatrogasnih vozila, pumpi, agregata i druge opreme,
- vodi evidencije dolazaka i izlazaka vatrogasnih vozila i druge opreme,
- vrši punjenje i kontrolu vatrogasnih aparata, kao i punjenje boca sa CO₂,
- učestvuje na obuci, vježbama iz oblasti zaštite od požara i spašavanja od prirodnih i drugih nesreća,
- obavlja i dispečerske poslove i druge poslove po nalogu neposredno nadređenih.

Opći i posebni uslovi:

U radni odnos na radno mjesto namještenika može biti primljena osoba koja ispunjava sljedeće **opće uslove**, propisane članom 24. Zakona o namještenicima u organima državne službe u Federaciji BiH: da je državljanin Bosne i Hercegovine, da je punoljetna, da ima opću zdravstvenu sposobnost za obavljanje poslova radnog mjesta, da u posljednje dvije godine od dana objavljivanja oglasa nije otpuštena iz organa državne službe kao rezultat disciplinske kazne na bilo kojem nivou vlasti u Federaciji, odnosno BiH i da nije obuhvaćen odredbom člana IX 1. Ustava BiH. Pored općih uslova, kandidati, kandidati trebaju ispunjavati i **posebne uslove** predviđene Pravilnikom o unutrašnjoj organizaciji službi za upravu Općine Travnik i to:

- najmanje IV stepen školske spreme odgovarajuće struke tehničkog smjera (vatrogasne, građevinske, metalske, hemijske, elektro-tehničke, šumarske ili drugi smjer tehničke struke);
- položen ispit za profesionalnog vatrogasca;
- položen vozački ispit najmanje B kategorije;
- 10 mjeseci radnog staža;
- dokaz o psihofizičkoj i zdravstvenoj sposobnosti za vršenje poslova vatrogasca;
- uvjerenje o nevođenju krivičnog postupka i neosuđivanju za krivično djelo protiv života i imovine.

Kandidati su dužni priložiti sljedeću dokumentaciju (original ili ovjerene fotokopije, ne starije od 6 mjeseci):

- Svojeručno potpisana prijava na javni oglas sa kontakt podacima;
- Kratka biografija;
- Izvod iz matične knjige rođenih;
- Uvjerenje o državljanstvu;
- Diplomu o završenoj stručnoj spremi ili svjedočanstvo o završnom ispitu;
- Dokaz o radnom stažu:
 - potvrdu (uvjerenje) poslodavaca kod kojih je kandidat radio ili trenutno radi ili
 - uvjerenje Porezne Uprave ovjereno pečatom i potpisom nadležne osobe u kojem su tačno naznačeni periodi prijave i odjave kandidata ili
 - uvjerenje Zavoda za penzijsko i invalidsko osiguranje (PIO/MIO).
Uz uvjerenje Zavoda za penzijsko i invalidsko osiguranje o podacima registrovanim u matičnoj evidenciji nadležnih organa obavezno je dostavljanje potvrde koja razjašnjava šifre zanimanja iz uvjerenja (listinga), tako da se može vidjeti sa kojom stručnom spremom je kandidat radio.
Ukoliko se kao dokaz o stažu dostavlja potvrda poslodavca, potvrda mora sadržavati sljedeće podatke: - naziv i sjedište poslodavca, broj, datum i mjesto izdavanja potvrde, podatke o nazivu radnog mjesta, odnosno vrsti poslova koje je kandidat obavljao, obavezno naznačenu školsku spremu sa kojom je obavljao navedene poslove, period obavljanja poslova, potpis ovlaštenog lica i pečat.
Kao dokaz o radnom stažu neće se uzimati u razmatranje radna knjižica, pismo preporuke i ugovor o djelu;
- Dokaz o položenom vozačkom ispitu B kategorije;
- Uvjerenje da se protiv kandidata ne vodi krivični postupak;
- Uvjerenje da nije osuđivan za krivično djelo protiv života i krivično djelo protiv imovine;
- Dokaz da u posljednje 2 godine od dana objavljivanja oglasa kandidat nije otpuštan iz organa državne službe, a što se dokazuje:
 - Uvjerenom izjavom kandidata - odnosi se na kandidate koji nisu radili u organima državne službe ili su nezaposleni;
 - Uvjerenjem organa državne službe ako je kandidat bio zaposlen u organu državne službe;
- Ovjerena izjava kandidata da nije obuhvaćen odredbom člana IX 1. Ustava BiH.

U radni odnos može biti primljen kandidat koji nema položen ispit za profesionalnog vatrogasca, s tim da je isti dužan položiti kako je to predviđeno članom 106. stav 2. tačka 1) Zakona o zaštiti od požara i vatrogastvu ("Službene novine FBiH", broj: 64/09 i 77/25).

Napomene za sve kandidate:

Dokaz o zdravstvenoj sposobnosti kandidati nisu dužni priložiti uz prijavu na javni oglas, već će se navedeni dokaz dostaviti po konačnosti rješenja o prijemu u radni odnos samo za izabranog kandidata.

Odluku o izboru kandidata po ovom raspisanom javnom oglasu donosi rukovodilac organa državne službe Općine Travnik, odnosno općinski načelnik, a na osnovu prijedloga Komisije za izbor koja će razmotriti sve pristigle prijave i utvrditi rang listu uspješnih kandidata u skladu sa uslovima javnog oglasa.

O rezultatima Javnog oglasa, prijavljeni kandidati će biti pismeno obaviješteni.

Javni oglas ostaje otvoren 15 dana od dana objavljivanja, a bit će objavljen u dnevnim listovima: „Oslobođenje“, „Večernji list“, „Dnevni avaz“ te na web stranici i oglasnoj ploči Općine Travnik.

Prijave sa potrebnom dokumentacijom, uz obavezne podatke za kontakt, dostaviti putem pošte ili lično na adresu: Općina Travnik, Komisija za prijem namještenika u radni odnos na neodređeno vrijeme, Konatur bb, 72270 Travnik.

Prijave se dostavljaju u zatvorenoj koverti sa naznakom:

„Prijava na javni oglas za popunu radnog mjesta viši referent vatrogasac – skladištar u Službi za civilnu zaštitu na neodređeno vrijeme“.

Nepotpune, neuredne i neblagovremene prijave neće biti uzete u razmatranje.

NAČELNIK

dr. sci. Kenan Dautović



POVLAŠTENJU NAČELNIKA
SEKREŠAR OPĆINE

Kenan Dautović

